

# Akashvani, Sambalpur

## SAMBALPURI NEWS MORNING BULLETIN

14 May 2026 - 6.47- 6.52 am.

---

ରାଜ୍ୟପାଲ୍- ଇ.ଭି. ଆଇ ଆଣ୍ଡ ପି.ଆର୍

ସ୍ଥାୟୀ ଭବିଷ୍ୟତ୍ ଆଉ ଦେଶର ଆର୍ଥିକ ସୁରକ୍ଷା ଲାଗି ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀଙ୍କର ଅର୍ଥନୈତିକ ଆତ୍ମସୁରକ୍ଷା ପରାମର୍ଶ ପାଳନ କରବାରକେ ରାଜ୍ୟପାଲ୍ ତତ୍କ୍ଷଣ ହରିବାରୁ କମ୍ପ୍ୟୁଟାଟି ଲୁକ୍କୁ ଆହ୍ୱାନ ଦେଇଛନ୍ତି । ରାଜ୍ୟପାଲ୍ କହିଛନ୍ତି, ଦୀର୍ଘକାଳୀନ ସମୃଦ୍ଧି ଆଉ ରଣନୈତିକ ସ୍ୱାର୍ଥ ଲାଗି ଅର୍ଥନୈତିକ ସ୍ଥିରତା ଆଉ ଆତ୍ମନିର୍ଭରଶୀଳତା ବହୁତ ଜରୁରୀ ଆଏ । ଲୋକଭବନର ସବୁ ଗାଡ଼ି ବିଦ୍ୟୁତ୍ ଚାଲିତ୍ ଆଉ ପରିସର ପୁରାପୁରି ସୌରଶକ୍ତି ଚାଲୁଥିବାରୁ ଇଟା ନେଟ୍ ଜିରୋ କେମ୍ପସ୍ ଭାବେ ଗୁଡେ ଉଦାହରଣ୍ ହେଇଛେ । ଇଠାନ୍ତେ କର୍ମଚାରୀମାନଙ୍କର ଲାଗି ମାହାଲିଆ ଗାଡ଼ି ଚାର୍ଜ୍ ସୁବିଧା ଭିଲ୍ ଉପଲବ୍ଧ ରହିଛେ । ହସ୍ତାର

ଗୁଡ଼େ ଦିନ୍ ଦହନ ଇଞ୍ଜିନ୍‌ମୁକ୍ତ ଦିବସ୍ ଭାବେ ପାଲନ୍ କର୍ବାରକେ  
ବିଶ୍ୱବିଦ୍ୟାଳୟ କୁଳପତିମାନ୍‌କୁ ନିର୍ଦ୍ଦେଶ୍ ଦିଆଯାଇଛେ ।

ବିଶ୍ୱ ଦକ୍ଷତା କେନ୍ଦ୍ର ସମୀକ୍ଷା                      ଆଇ ଆର୍ ପି.ଆର୍

ଭୁବନେଶ୍ୱର୍ ବିଶ୍ୱ ଦକ୍ଷତା କେନ୍ଦ୍ର ଅଗ୍ରଗତି ଆଉ ଭବିଷ୍ୟତ୍  
ଯୋଜନାକେ ନେଇକରି ଶିକ୍ଷା, ଦକ୍ଷତା ବିକାଶ୍ ଆଉ ବୈଷୟିକ  
ମନ୍ତ୍ରୀ ସମ୍ପଦ୍ ଚନ୍ଦ୍ର ସ୍ୱାଇଁ ସମୀକ୍ଷା କରିଛନ୍ । ଭିତିଭୂମିର୍ ପୁରାପୁରି  
ବିନିଯୋଗ୍ ସହେତେ ଶିକ୍ଷା ସହଭାଗିତା ଆଉ ଶିକ୍ଷାନୁଷ୍ଠାନ୍ ଭିତ୍ରେ  
ତାଲ୍‌ମେଲ୍ ରଖିକରି କେନ୍ଦ୍ର ପରିସର୍ ବଢ଼ାବାରକେ ସେ ନିର୍ଦ୍ଦେଶ୍  
ଦେଇଛନ୍ । ପ୍ରତିଷ୍ଠା ଦିନ୍ କେନ୍ଦ୍ର ୯ ହଜାରନ୍ ଅଏଡକା ଯୁଆନ୍  
ପିଲା ଟୁକେଲ୍‌ଙ୍କୁ ତାଲିମ୍ ଦେଇକରି ୯୯ ପ୍ରତିଶତନ୍ ଅଏଡକା  
ନିୟୁକ୍ତି ହାର ହାସଲ୍ କରିଛେ । ସେଥିର୍ଭିତ୍‌ରୁ ୨ ଶହ ୫୧ ଝନ୍  
ଭିନ୍ ଭିନ୍ କମ୍ପାନୀଥ୍ ବିଦେଶ୍ ନ ଚାକିରୀ କରୁଛନ୍ । ଇତାର୍‌ଛଡ଼ା  
ବହୁତ୍‌ଟେ ଅତ୍ୟାଧୁନିକ୍ ନୂଆଁ ପାଠ୍ୟକ୍ରମ୍ ମୁଲ୍ କର୍ବାରକେ ଭିଲ୍  
ମନ୍ତ୍ରୀ ନିର୍ଦ୍ଦେଶ୍ ଦେଇଛନ୍ ।

ଅନୁ ଗର୍ଗ-ଧାନ୍ ଘିନା ବୈଠକ୍      ଆଇ ଆଣ୍ଡ ପି.ଆର୍

ମୁଖ୍ୟ ଶାସନ୍ ସଚିବ ଅନୁ ଗର୍ଗଙ୍କର୍ ଅଧକ୍ଷତାୟ୍ ୨୦୨୫-୨୬  
ଡାଲୁଆ ଧାନ୍ ଘିନା ବାବ୍ଦେ ଗୁଟେ ବୈଠକ୍ ଗଲାକାଏଲ୍  
ଭୁବ୍ନେଶ୍ୱର୍ ନ ହେଇଯାଇଛେ । ଡାଲୁଆ ଧାନ୍ ଘିନା ସମିଆକେ  
ମେ ୧ ନୁ ଜୁନ୍ ୩୦ ତାରିଖ୍ତକ୍ ଧାରିଜ୍ କରାଯାଇଥିବାର୍ ବେଲେ  
ଭିନ୍ ଭିନ୍ ଜିଲ୍ଲା ମେ ୧୪ ତାରିଖ୍ତୁ ଅଲ୍ଗା ଅଲ୍ଗା ତାରିଖ୍ତୁ ଧାନ୍  
ଘିନ୍‌ବାର୍‌କେ ଜିଲ୍ଲାସ୍ତରୀୟ ଧାନ୍ ଘିନା କମିଟିର୍ ନିଷ୍ପତି ଅନ୍‌ସାରେ  
ତାରିଖ୍ ଧାରିଜ୍ କରିଛନ୍ । ୨୦ ଟା ଜିଲ୍ଲାର୍ ୩ ଲାଖ୍ ୭୫ ହଜାର୍  
ଚାଷୀ ଇଥିର୍ଲାଗି ପଞ୍ଜିକରଣ୍ କରିଛନ୍ । ୨୦୨୫-୨୬ ଖରିଫ୍  
ରତୁଥି ୭୭ ଲାଖ୍ ୪୮ ହଜାର୍ ମେଟ୍ରିକ୍ ଟନ୍ ଧାନ୍ ଘିନାଯାଇଛେ ।  
ଯେନ୍‌ଟା ଗଲାବକ୍ଷର୍‌ନୁ ୫ ଦଶ୍‌ମିକ୍ ୪/୮ ପ୍ରତିଶତ୍ ଅଏତ୍‌କା  
ଆଏ । ଧାନ୍ ଘିନା କେନ୍ଦ୍ରମାନ୍‌କେ ସିସିଟିଭି ଆଉ ଅଲ୍ଗା ସୁବିଧା  
ସହେତେ ଅନୁକୃତ ଧାନ୍ ପ୍ରବେଶ୍‌କେ ଅକ୍‌କାବାର୍ ଲାଗି  
ବୈଠକ୍‌ତୁ ନିର୍ଦ୍ଦେଶ୍ ଦିଆଯାଇଛେ ।

ଅନୁ ଗର୍ଗ ସମୀକ୍ଷା      ଆର୍‌ଏନ୍‌ୟୁ/ ସମ୍ବଲପୁର

ବିଶ୍ୱ ବେଙ୍ଗ ଗୁପ୍ତର ଗୁଚେ ପ୍ରତିନିଧି ଦଲ୍ ଗଲାକାଏଲ୍ ମୁଖ୍ୟ ଶାସନ୍  
ସଚିବ ଅନୁ ଗର୍ଗ ଆଉ ରାଜ୍ୟ ପ୍ରଶାସନ୍ର ବରିଷ୍ଠ  
ଅଧିକାରୀମାନଙ୍କର ସହେତେ ଗୁଚେ ବୈଠକ୍ଥୁ ଯୋଗ୍ ଦେଇକରି  
ଓଡ଼ିଶା ଆଉ ଭାରତ୍ ନ ଗୁରୁତ୍ୱପୂର୍ଣ୍ଣ ଖଣିଜ ଦରବ୍ ଉପରେ ମୂଲ୍ୟ  
ଶୃଙ୍ଖଳକେ ବରକସ୍ କରବାର୍ ବାବ୍ଦେ ଆଲୋଚନା କରିଛନ୍ ।  
ପ୍ରତିନିଧି ଦଲ୍ ରାଜ୍ୟସରକାରଙ୍କର ସହେତେ ଜରୁରୀ ଖଣିଜ  
ସମ୍ପଦ୍, ପ୍ରକ୍ରିୟାକରଣ୍ ପାର୍କ୍, ଉତ୍ପାଦନ୍, ବିନିଯୋଗ୍, ଲଜିଷ୍ଟିକ୍  
ଶିଳ୍ପ କରିଡ଼ରର ବିକାଶ୍, ଦକ୍ଷତା ବିକାଶ୍ ବାଗିର୍ ଭିନ୍ ଭିନ୍  
ବିଷେଥ୍ ଆଲୋଚ୍ପାତ୍ କରିଥିଲେ ।

ପଂଚାୟତିରାଜ୍ ସାଧନ୍ କେନ୍ଦ୍ର ସୁବର୍ଣ୍ଣପୁର ସମ୍ବାଦଦାତା

ପଂଚାୟତିରାଜ୍ ଆଉ ପାନୀୟ ଜଳ ମନ୍ତ୍ରୀ ରବିନାରାୟଣ୍ ନାୟକ୍  
ସୁବର୍ଣ୍ଣପୁର ଜିଲ୍ଲା ନ ପଂଚାୟତିରାଜ୍ ସାଧନ୍ କେନ୍ଦ୍ର ଉଦ୍ଘାଟନ୍  
କରିଛନ୍ । ମନ୍ତ୍ରୀ ଶ୍ରୀ ନାୟକ୍ ୨ କୋଟିନ୍ ଅଧିକା ଖର୍ଚ୍ଚାଥ୍ ତିଆର୍  
ସାଧନ୍ ସୌଧକେ ଲୋକାର୍ପଣ୍ କରିଥିବାର୍ ବେଲେ ଗ୍ରାମୀଣ୍

ବିକାଶ ଆଉ ଫଂଚାୟତିରାଜ୍ ସାଧନ କର୍ମୀମାନଙ୍କର ପ୍ରଶିକ୍ଷଣ ଲାଗି  
ଇ ଭବନ୍ ସାହାଜ୍ କରବା ବଳି କହିଛନ୍ ।

ପୁରୀ-କୋରାପୁଟ ଏକ୍ସପ୍ରେସ୍ ଟ୍ରେନ୍      ଭୁବନେଶ୍ୱର ସମାଦଦାତା

ପୁରୀ ନୁ କୋରାପୁଟ୍‌କେ ଖୋବ୍ ଜଲ୍‌ଦି ଗୁଟେ ନୁଆଁ ଏକ୍ସପ୍ରେସ୍  
ଟ୍ରେନ୍ ଚଲାଚଲ୍ କରବା । ଇ ଟ୍ରେନ୍ ପୁରୀନୁ ସମ୍ବଲପୁର ଦେଇକରି  
କୋରାପୁଟ୍ ଯିବା । ସୋମ୍‌ବାର୍, ଗୁରୁବାର୍ ଆଉ ଶନିବାର୍  
ଚାଲ୍‌ବାର୍‌କେ ଥିବା ଇ ଟ୍ରେନ୍ ୧୯ ଟା ଷ୍ଟେସନ୍ ନ ଅଟ୍‌କିବା । ଇ  
ନୁଆଁ ଟ୍ରେନ୍ ଚଲାଚଲ୍ ଲାଗି ପୂର୍ବ-ପଶ୍ଚିମ ଆଉ ଦକ୍ଷିଣ୍ ଓଡ଼ିଶାର୍  
ରେଲ୍ ଯୋଗାଯୋଗ୍ ବ୍ୟବସ୍ଥା ବରକ୍ଷ୍ ହେଇପାରବା ।

ଷ୍ଟାର୍ ଏୟାର୍ ବିମାନ୍-ଝାରସୁଗୁଡ଼ା      ଆର୍ଏନ୍‌ୟୁ/ ସମ୍ବଲପୁର

ଝାରସୁଗୁଡ଼ା ବିମାନ୍ ବନ୍ଦରନୁ ଆଏବା ୨୧ ତାରିଖ୍‌ନୁ ଷ୍ଟାର୍ ଏୟାର୍  
ବିମାନ୍ ସେବା ମୁଲ୍ ହେବାର୍‌କେ ଯାଉଛେ । ଇଥିରଲାଗି ପ୍ରସ୍ତୁତି  
ଶେଷ୍ ହେଇସାରିଥିବାର୍ ବେଲେ ଟିକେଟ୍ ବୁକିଂ ହପ୍ରେତଲୁ ମୁଲ୍

ହେଇସାରିଛେ । ଝାରସୁଗୁଡ଼ା ଆଉ ଭୁବନେଶ୍ୱର ଭିତରେ ବୁଧବାର  
ଛଡ଼ା ବାକି ୬ ଦିନ ବିମାନ୍ ଚଳାଚଳ କରା । ହାଇଦ୍ରାବାଦ-  
ଝାରସୁଗୁଡ଼ା ଭିତରେ ଭିଲ୍ ବୁଧବାର ଛଡ଼ା ହସ୍ତାର ବାକି ସବୁ  
ଦିନେ ବିମାନ୍ ଚଳାଚଳ କରା ବଳି ଜନାପଡ଼ିଛେ ।

ସମନ୍ୱୟ ସମୀକ୍ଷା ବୈଠକ

ଦେବଗଡ଼ ସମ୍ବାଦଦାତା

ଦେବଗଡ଼ ଜିଲ୍ଲାପାଳଙ୍କର ବିକାଶ ଭବନ ସମ୍ମିଳନୀ କକ୍ଷ ନ ବେଟି  
ବଟାଓ, ବେଟି ପଡ଼ାଓ ଜିଲ୍ଲାସ୍ତରୀୟ ସମନ୍ୱୟ ସମୀକ୍ଷା ବୈଠକ  
ଜିଲ୍ଲାପାଳ କବୀନ୍ଦ୍ର କୁମାର ସାହୁଙ୍କର ଅଧ୍ୟକ୍ଷତାଥି ହେଇଯାଇଛେ ।  
ଟୁକେଲ୍ ଛୁଆମାନଙ୍କର ସୁରକ୍ଷା ଆଉ ସେମାନଙ୍କୁ ସଶକ୍ତ କରବାର  
ଲାଗି ଜିଲ୍ଲା ଶିଶୁ ସୁରକ୍ଷା ଯୁନିଟ୍ କାମ କରବାର ବାବଦେ  
ଜିଲ୍ଲାପାଳ ଜୋର ଦେଇଛନ୍ ।

ଲୋକରଞ୍ଜନୀ-ଉଦ୍‌ଯାପିତ

ବରଗଡ଼ ସମ୍ବାଦଦାତା

ଓଡ଼ିଆ ଭାଷା, ସାହିତ୍ୟ ଆଉ ସଂସ୍କୃତି ବିଭାଗ, ଓଡ଼ିଶା ସଂଗୀତ  
ନାଟକ ଏକାଡେମୀ ଆଉ ସଂସ୍କାର ଭାରତୀ ତରଫୁ ବରଗଡ଼ ନ

ଆନ୍ଧ୍ରପ୍ରଦେଶର ହେଲଥିବା ଲୋକରଞ୍ଜନୀ ସାଂସ୍କୃତିକ କାର୍ଯ୍ୟକ୍ରମ ଗଳାକାଏଲ୍ ଉଦ୍‌ଯାପିତ୍ ହେଲଯାଇଛେ । ମେ ୧୧ ନୁ ୧୩ ତାରିଖତକ୍ ହେଲଥିବା କାର୍ଯ୍ୟକ୍ରମଥୁ ଓଡ଼ିଶାର ସମୃଦ୍ଧ ଲୋକସାଂସ୍କୃତି ପ୍ରଦର୍ଶିତ୍ ହେଲଥିଲା । କାର୍ଯ୍ୟକ୍ରମଥୁ ବରଗଡ଼, ଅତାବିରା, ବିଜେପୁର ଆଉ ଭଟ୍ଟଲିର ବିଧାୟକମାନେ ଯୋଗ ଦେଇକରି ଯୁବକଳାକାରମାନକୁ ପ୍ରତିଭା ପ୍ରଦର୍ଶନ ଲାଗି ମଂଚ ବହୁତ୍ ସାହାଜ୍ କରବା ବଳି କହିଥିଲେ ।

ବହୁଭାଷୀ କ୍ଷୁଦ୍ର ନାଟକ ପ୍ରତିଯୋଗିତା ନୂଆପଡ଼ା ସମାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ସାଂସ୍କୃତିକ ଅନୁଷ୍ଠାନ ତରଫୁ ଆନ୍ଧ୍ରପ୍ରଦେଶ ୮ ନମ୍ବର ବୀର ବିକ୍ରମ ବହୁଭାଷୀ କ୍ଷୁଦ୍ର ନାଟକ ପ୍ରତିଯୋଗିତା ଉଦ୍‌ଯାପିତ୍ ହେଲଯାଇଛେ । ଇ ପ୍ରତିଯୋଗିତା ଲେଖକ ନିର୍ଦ୍ଦେଶକ, କଳାକାରମାନକୁ ସୁଯୋଗ ଦେବାର ଲାଗି ଆଏ ବଳି ଅତିଥି ମାନେ ମତ ଦେଲଥିଲେ । ୩ ଦିନ ଧରିକରି ହେବାରକେ ଥିବା ନାଟକ ପ୍ରତିଯୋଗିତାଥୁ ଅଂଚଳର ବହୁତ୍‌ଟେ କ୍ଷୁଦ୍ର ନାଟକ ପ୍ରଦର୍ଶିତ୍ ହେବା ।

ପାଣିପାଗ ଆରବନ୍ଧୁ/ ସମ୍ବଲପୁର

ଦକ୍ଷିଣ ପଶ୍ଚିମ ବଙ୍ଗୋପସାଗର ନ ହେଇଥିବା ଲଘୁଚାପ୍ ଘନୀଭୂତ ହେବାର ସମ୍ଭାବନା ଅଛି । ଭୁବନେଶ୍ୱର ଆଞ୍ଚଳିକ୍ ପାଣିପାଗ୍ ବିଜ୍ଞାନ କେନ୍ଦ୍ର ସୂଚନା ଅନୁସାରେ କାଲବୈଶାଖୀର ବଲେ ହେଇଥିବା ବର୍ଷାର ଲାଗି ରାଜ୍ୟର ତାପମାତ୍ରା କମିଛି । ଆଏବା ୨୪ ଘଂଟା ଭିତ୍ରେ ଚଡ଼କ୍ ମାରିକରି ବର୍ଷା ହେବା ବଳି ୧୫ ଟା ଜିଲ୍ଲାକେ ପାଣିପାଗ୍ କେନ୍ଦ୍ର ତରଫୁ ସତର୍କ ସୂଚନା ଜାରି କରାଯାଇଛି ।